

Marit Steinestø
Solheimsneset 22
5983 HAUGSVÆR

Solheim 1.9.2020

Masfjorden kommune
Austfjordvegen 2724
5981 MASFJORDNES

Innspel til reguleringsplan for Matre næringsområde, planid 4534-20200001

1.RAPPORT «Støy fra datasenter til omgivelsene»

Sitat frå to plassar i rapporten:

«Det er forutsatt at driften av datasenteret må tilfredsstille støygrenser for tekniske installasjoner utendørs ved bolig. Dette betyr at anlegget bør utstyres med lukkede kjøleanlegg/vannkjøling.» (1 avsnitt i samandraget)

«Det synes å være en varierende praksis for hvorvidt kjølingen av datamaskinene i et datasenter skal forholde seg til støygrensene i T-1442 eller NS 8175:2012 tabell 5. Den store varmemengden som avgis krever anlegg med stor kjølekapasitet. I luft-luft anlegg betyr det store luftmengder og ditto høy lydemisjon.» (eget avsnitt side 7 i Støyrapporten)

Eg krev at føresegnene skal ta opp i seg at det skal ha lukkede kjøleanlegg/vannkjøling. Reguleringsplanen skal ikkje gje løyve til luft-luft anlegg for kjøling.

2. Kva er gjort for å kartleggja korleis støyen blir med tanke på at Matre ligg inneklemt mellom fjell. Dette er veldig viktig, for det vil ha stor betydning for dei som bur på Matre. Er det gjort støymålingar på andre lignande plassar?

Ber om at støy blir meir utgreidd, den utgreia må innehalde andre metodar enn reint teoretisk berekningar eller visualisering av støy.

3. Matre næringsareal – Haugsvær næringsareal

Ei regulering til eit slikt stort næringsbygg/datasenter med den støy og den plass det vil ta burde vore lagt til Haugsværdalen der det ligg vekke frå bygda. På Matre vil det koma inn i ei bygd. Ber og om å få vist på kartet(reguleringsplanen for Haugsvær) kor stort arealet er og kor arealet som er regulert til næring på Haugsværdalen ligg, då det har vore sagt at arealet på Haugsværdalen er for lite til eit slikt stort næringsbygg/datasenter.

Ber om at kommunen utgreiar arealet på Haugsværdalen og om naudsynt utvidar området.

4. Arbeidsplassar i samband med datasenter er ikkje nok utgreidd. Det vart sagt at det var ein viktig grunn til å få slik industri til Matre. Ber kommunen om å synleggjera i utgreiinga kor mange arbeidsplassar eit slikt anlegg vil gje.

5. Kryptovaluta (bitcoin eller tilsvarende aktivitet)

Ingen vil at det skal bli utvinna kryptovaluta i området som skal regulerast. Det må skrivast inn i reguleringsplanen at det ikkje vil vera tillat med slik aktivitet i dette området. Kva lovheimel er det kommunen viser til når ein seier at dette ikkje kan gjerast i reguleringsplanen?

Krev at forbod mot denne type aktivitet blir skrevet inn i føresegnene.

Med helsing

Marit Steinestø